

# EBA LE BONNETE KA MODIMO



Gomme E balega ka tsela ye:

*Gomme Eliya wa Thisibe, yo e bego e le . . . modudi wa Gileada, o ile a re go Ahaba, Bjalo ka ge MORENA Modimo wa Israele a phela, yo ke emego pele ga gagwe, fao go ka se be phoka le ge e le pula mengwaga ye meraro ye, eupša ge e se go ya ka lentšu la ka.*

*Gomme lentšu la MORENA la tla go yena, la re,*

*Tloga mo, gomme o retologele bohlabela, gomme o ikute ka bowena kgauswi le noka ya Kirithe—Kirithe, (Ke ra gore) yeo e lego pele ga Jorodane.*

*Gomme e tla ba, gore o tla nwa nokeng; gomme ke laetše magukubu gore a go fepe . . .*

*Ka fao o ile a ya gomme a dira go ya ka lentšu la MORENA: ka gore o ile a ya gomme a dula kgauswi le noka ya Kirithe, yeo e lego pele ga Jorodane.*

*Gomme magukubu a be a mo tlišetša borotho le nama mosong, gomme borotho le nama manthapama; gomme a enwa nokeng.*

*Gomme gwa tla go phethega ka morago ga lebaka, gore noka e gope, ka baka la gore go be go se ne pula nageng.*

*Gomme lentšu la MORENA la tla go yena, la re,*

*Tsoga, gomme o ye Tsarepata, e lego ya Sidone, gomme o dule fao: bona, Ke laetše mosadi wa mohlologadi fao gore a go babalele.*

*Ka fao a tsoga gomme a ya Tsarepata. Gomme ge a etla kgorong ya toropkgolo, bonang, mosadi wa mohlologadi o be a le fao a topelela diphatana: gomme a mmitša, gomme a re, Nkgele, ke a go kgopela, meetse a mannyane ka sego, gore ke nwe.*

*Ge a be a sa ya go a ga, a mmitša, gomme a re, Ntlišetše, ke a go kgopela, lerathana la borotho ka seatleng sa gago.*

*Gomme yena a re, Bjalo ka ge MORENA Modimo wa gago a phela, ga ke na le kuku, eupša ge e se butswana bjo bo kago go tlala seatla ka serotong, gomme le makhura a mannyane ka legapeng: gomme, bona, ke topelela diphatana tše pedi, gore ke ye ka gare gomme ke ikapeele yona le morwa wa ka, gore re eje, gomme re hwe.*

*Gomme Eliya a re go yena, Se boife; sepela gomme o dire ka fao o boletšego: eupša ka fao ntirele kuku ye nnyane pele, gomme e tliše go nna, gomme ka morago itirele le . . . morwa wa gago.*

*Ka gore go rialo MORENA Modimo wa Israele, Seroto sa bupi se ka seke sa fela, le lagapana la makhura le ka se gope, go fihla letšatši leo MORENA a romelago pula godimo ga lefase.*

*Gomme a ya ka gare gomme a dira go ya ka polelo ya Eliya: gomme yena, le yena, le ntlo ya gagwe, ba ja matšatši a mantši.*

*Gomme seroto sa bupi ga se sake sa fela, le legapana la makhura ga se lake la gopa, go ya ka lentšu la MORENA, leo le boletšwego ke Eliya.*

Polelong ya mosong wo, feela pele ke eya mošwamawatle, ke kgethile hlogotaba, ya: *Eba Le Bonnete Ka Modimo.*

<sup>2</sup> Gomme bjale, Morena, šegofatša Lentšu la Gago ge Le eya pele, gomme a nke Moya wo Mokgethwa o sware megopolo ya rena le dikgopolo tša rena, gomme o re lokišetše ketelo ya Gagwe, bjalo ka ge re Mo kgopetše gore a tle. Ka gore ga re tle go ntlo ya Morena go tla go bonwa, goba go bona, eupša go tla go ithuta go Wena, le go tseba ka ga tlhago ya Gago, le tsela ya Gagwe, le ka mabaka botse a Gago, gore re tle re kgone go lebana le mathata a bophelo, ka netefatšo ya kgonthe, re na le bonnete ka Modimo. E fe, Morena. Leineng la Jesu re a e kgopela. Amene.

<sup>3</sup> E swanetše go ba e be e le moso wo o šiišago. Go be go fiša kudu gomme go le lerole, gomme batho ba be ba le seterateng, gomme ba ehwa ka tlala, gomme lefase le be le fiša kudu gomme le be le loketše go swa. Ka moka se e be e le ponagatšo ya dibe tša bona le go bola ga boitshwaro bja bona.

<sup>4</sup> Le a bona, Ahaba o be a buša ka—ka Israele, ka nako yeo, goba godimo ga Israele, gomme o be a le ye mpempempe go dikgoši ka moka tša Israele. Fao go be go se gwa ke go be le kgoši ye mpe bjalo ka Ahaba, ka gore yena, ka ge a be a rutilwe gomme a tseba bokaonekaone, o ile a feila go se tšwele pele a sa thabiše Modimo ka selo se sengwe le se sengwe seo a bego a se dira. Le ge a be a na le tshepedišo ye kgolo ya mašole, gomme batho ba ile ba tla go atlega kudu ka fase ga pušo ya gagwe, eupša, go le bjalo, o ka se kgone go se thabiše Modimo gomme wa letela go phomelela botelele kudu.

<sup>5</sup> Gomme ka gona, lenyalong la gagwe, go na le gore a nyale magareng ga batho ba gabo, o ile a ya ka kua gomme a nyala modiradibe, mmamedimo ya diswantšho, go direla medimo ya diswantšho. O ile a nyala Isebele. Gomme e be e se modumedi.

6 Gomme ga go modumedi yo a swanetšego go be a nyala mosedumele, ka fase ga maemo ka moka. Ka mehla o swanetše go nyala modumedi.

7 Eupša Ahaba o ile a dira selo se sebe se. Gomme ga go na le go kamaka eupša gore Isebele e be e le mosadi yo mobotse. Gomme o ile a wela go ka fao a bego a lebelelega ka gona, go na le seo a bego a le sona. Ka fao, batho ba bantši kudu ba dira phošo ye e swanago go fihla letšatši le.

8 Gomme o ile a tliša bodiredi bja medimo ya diswantšho setšhabeng, magareng ga batho. Gomme batho, baprista, badiredi ba bona, ba wela go ba batšwasehlabelo ba senyakwa se segolo se sa go tlwaelega.

9 Gomme ke sona senepe sa naga ya rena lehono. Re wetše ka fase ga senyakwa sa go tlwaelega. Ga go ne go kamaka gore baprista ba be ba gopola gore go be ka moka go tla loka, ge feela mmušo wa bona o be o ba dumelela. Eupša ga ke kgathale gore mmušo o a dumelela, e swanetše go ba se Modimo a se dumelago. Gomme batho ba be ba gopola gore ka moka go be go tla loka ge ba be ba labalabela tše dingwe tša dilo tša bona tša lefase.

10 Gomme yo motee a ka no nkgopela go ikgata mohlala ka seo ke sa tšwago go se bolela, gore e be e le sona senepe se se swanago sa lehono. Re ka no se nagane gore re badirela medimo ya diswantšho, eupša re bona. Gomme mmušo o a e dumelela. Batho lehono ke badiredi ba medimo ya diswantšho, ka baka la gore ba—ba direla medimo ya diswantšho. Ba bangwe ba bona ba direla dinaletšana tša mmobi, bjalo ka medimo ya diswantšho. Ba bangwe ba direla tšhelete, bjalo ka medimo ya diswantšho. Gomme ba bangwe ba direla dinaletšana tša thelebišene, bjalo ka medimo ya diswantšho. Eupša ka moka seo le se beago pele ga Modimo ke modimo wa seswantšho, a e be eng kapa eng e ka bago sona.

11 Le go Sathane, lenaba la rena le legolo, ke yo mokaone yo motee, go fihla ebile a bea, nako ye nngwe, kereke pele ga Modimo. O ka no ba le kereke ye kgolo. E ka no ba moago wo mogolo, goba e ka no ba kereke ye kgolo ya leina. Gomme, gape, e ka no ba phuthago ye kgolo, eupša se dumelele selo se etla pele ga Modimo, ka pelong ya gago. Eng kapa eng ka gare pele ga Modimo, ke modimo wa seswantšho.

12 Gomme batho ba babe ba tseba gore ba be ba se ba semoya go swana le ka fao ba bego ba le, ka fase ga pušo ya dikgoši tše dingwe. Gomme ba gopola, ka baka la gore feela ba be ba le setšhaba sa bodumedi, gore selo se sengwe le se sengwe se be se tla ba ka moka gabotse. Gomme yeo ke tsela yeo re tlilego lefelong leo le rena.

13 Dikgwedi tše di itšego tša go feta ke be ke bolela le mogwera yo mokaone kudu wa ka. Gomme a re, “Ngwanešu

Branham, ke dumela gore o pitleletša United States ye fase kgauswi kudu.” A re, “Ka mehla o rorela ntle go sebe le ka fao Modimo a yago go otlala setšhaba se.”

<sup>14</sup> Ka re, “O swanetše go e dira, gore a be wa toko.”

A re, “Eupša, Ngwanešu Branham, o lebala gore setšhaba se se theilwe godimo ga Mangwalo. Gomme botatawešu mogolo ba tlile fa, gomme Modimo o re file lefa le. Gomme ke rena setšhaba sa bodumedi.”

<sup>15</sup> Ka re, “Seo ke therešo, ka moka ga sona. Gomme ga go le yo motee yo a tsebago ka mokgwa wo ke lebogago setšhaba se ka wona! Eupša, lebelela, ngwanešu wa ka, Israele le yona e be e kgethilwe ke Modimo, gomme O ile a e romela baporofeta le banna ba bagolo. Eupša Modimo ga a kgone go emela sebe. O ile a dira Israele gore e bune leroro le lengwe le le lengwe ba le bjetšego. Gomme ge A dirile Israele gore e bune se e se bjetšego, O tla dira gore re bune se re se bjalago. Yena ga se mohlomphi wa motho.”

<sup>16</sup> Gomme re tlile lefelong mo re naganago gore ka baka la gore re itshamile godimo ga se botatawešu mogolo ba se dirilego, goba godimo ga bathomi ba rena babagolo ba dikereke tša rena, seo sehlabelo sa bona se segolo se bego se le sona go Modimo, seo ka moka se lokilego gomme se lebogegago, eupša re ka se kgone go goga phološo go tšwa go se ba se dirilego! Phološo ke taba ya motho magareng ga motho yo mongwe le yo mongwe le Modimo. E sego le setšhaba sa rena, le kereke ya rena, eupša ke rena ka borena pele ga Modimo, re a araba.

<sup>17</sup> Go tlile lefelong ka nageng ya rena, go fihla magareng ga batho ba semoya kudukudukudu ba re nago nabo, o ya go banna le basadi ba semoya, gomme o hwetša ka pelong tša bona gore go na le selo se sengwe se se hlaelago.

<sup>18</sup> Re bile, mo dibekeng di se kae tša go feta, ke be ke eya bokagodimo ga tše dingwe dilo tše, gomme ka hwetša gore ka banneng ba ke bego ke gopola gore ba be ba le moko, go le bjalo ke hwetša gore ba bea kgatelelo godimo ga dilo tša lebakanyana, ba ya go dikologa gomme ba re, “Modimo o mpha *selo-se-se itšego* se segologologolo. Modimo o mpha. . .” O a fora.

<sup>19</sup> Dilo tše kgolo tša go swarega ka mehla ga di dule thatong ya Modimo. Modimo o dira pula go nela godimo ga baloki le ba ba sa lokago. Eupša se lefase le se nyakago lehono ga se tumelo ya bofora, go leka go iphorela ka bowena ka go selo se sengwe gomme wa se bitša sa semoya.

<sup>20</sup> Nako ye nngwe tumelo e tla dira mehlolo ye megolo, gomme go le bjalo ga e tšwe go pelo ya semoya. A Morena wa rena ga se a ke a re? “Ba bantši ba tla tla go Nna, letšatši leo, gomme ba re, ‘A ga se ka dira se le *sela*, Leineng

la Gago?" Gomme Ke tla bolela go bona, "Tlogang go Nna, lena badiri ba bokgopo." Bokgopo ke eng? Ke selo se sengwe se o tsebago go se dira gabotse gomme o sa se dire. "Nna ga se ka ke ka le tseba," O tla rialo. Gomme re phela ka letšatšing leo.

<sup>21</sup> Seo re se nyakago lehono ga se dilo tše ntši tša go swarega. Re na le seo. Ga re nyake dikereke tša kgolokgolo. Ga re nyake diphuthago tše kgolokgolo. Ga re nyake gagolo go radio le thelebišene. Ga re nyake tše ntši kudu gagolo tša dilo tše. Eupša se re se nyakago lehono, ke go ba ba semoya, ke motho yo ba tlogo go ikokobetša ka bobona pele ga Modimo, ge ba se na le peni, gomme ba tla rapela go fihla ge moya wola ka gare ga bona o kgotsofala ka go loka ga Modimo, gomme tsošetšo e direga bokagare bja pelo tša bona, seo se fetola mekgwa ya bona le seemo se ba phelago ka go sona.

<sup>22</sup> O ka no ba o se na le para ya dieta godimo ga dinao tša gago, o ka no ba o apere mankeretla, eupša selo se sengwe ka pelong ya gago se opela melodi ya Modimo. Bokaone ke be le yona go feta tšhelete ka moka lefaseng.

<sup>23</sup> Ka fao o ka se kgone go bolela gore dilo tša tlhago ka mehla ke leswao la tšhegofatšo ya Modimo. Dafida o boletše seo go Morena, gore o bone yo mobe a a phatlalletša pele a gagwe. . . bjalo ka mohlare motala wo mogolo. Eupša Modimo a mmotšiša, "A o kile wa mo ela hloko mafelelong?" Ga go kgathalege gore re apara diaparo tše botse bjang, re na le go ja mo go kae, seo ga se se se yago Bogoneng bja Modimo. Mmele wo re dulago ka go wona, o a senyega, go sa tshwenyega ka fao re o hlokomelago. Eupša ke soulo ye e lego ka go motho; ke seemo sa moya wo o sepelelago ka Bogoneng bja Modimo yo a phelago.

<sup>24</sup> Eupša re no tšea dilo ga bonolo. Re nagana gore feela ka baka la gore re setšhaba. . . Ka fao Ahaba le Israele ka moka, letšatšing leo, ba ile ba tšea dilo ga bonolo, gore se sengwe le se sengwe se be se le gabotse ka moka. Baprista ba bona le bareri ba be ba lekile go ba botša, "Ka moka di lokile. Selo se sengwe le se sengwe se gabotse." Eupša ba be ba na le yo motee, yo a kgalemetšego ntle kgahlanong le selo se se fošagetšego, ka baka la gore yo motee yo o be a tseba gore Modimo yo mokgethwa o be a ka se kgone go kgotsofala ka mokgwa wa sebjalebja wa bodumedi bjo e sego bjo bokgethwa.

<sup>25</sup> Ka fao Modimo wa Legodimo o dula ka mokgwa wo o swanago lehono. Go ka moka maeteko a rena le dilo tše kgolo tše re lekago go di dira, Modimo a ka se tsoge a thabišwa ka ntle le ka go felela bophelo bjo bo hlwekišitšwego pele ga Gagwe.

<sup>26</sup> Re ka no aga dikolo, mafelo a borapelelo, le ditabarenekele. Re ka no ba le mekgatlo. Re ka no dira dilo tše kgolo, eupša go le bjalo Modimo a ka seke a kgotsofala go fihla

ge soulo ya motho e etla go hlwekišwa godimo ga aletara ya Modimo, e kgethwafaleditšwe mešomo ya Modimo. Gomme ga o sa hwetša seo gape.

<sup>27</sup> O hwetša gore dikopano tša rena tša thapelo di fokola kudu, e no ba feela motsotso wa thapelo, go tabogela ka mpeteng. Re hwetša gore se direga gatee goba gabedi ka letšatši. Ge, ka moka ga rena re na le molato. Setšhaba sa rena, ka maitshwaro, se a bola. Re na le bo Billy Graham le bo Oral Roberts mo gohle. Eupša go fihla ge fao go etla go nyorwa ka pelong ya Amerika, go e tliša morago go Modimo yo a phelago gape, go boitemogelo bjo bo phelago, go tumelo ye e sa hwego ka go Modimo yo a phelago, re no be re itia mabjoko a rena, bjalo ka ge go bolelwa, ntle.

<sup>28</sup> Re ka no sepela ka difega tša rena di tekogetše ntle, ka dikholoro tša rena di retologetše ka morago, gomme ra sepela go theoga seterata, gomme ra duma go bitšwa “Ngaka” goba “Moruti.” Re ka no diša dikereke tše kgolokgolokgolo tše di lego gona nageng, gomme re ka no ba ba bodumedi ka fao re kgonago go ba, go fihla go se motho yo a ka beago monwana godimo ga maphelo a rena. Eupša go fihla ge soulo yela e lego bokagare bja rena e tukela Modimo, go fihla ge selo se sengwe ka kua, se hlologetšego Yena! “Bjalo ka tšhephe tona e fegella noka ya meetse, soulo ya ka e nyoretšwe Wena, O Modimo.” Go fihla ge re fihlella go mohuta wo wa boitemogelo!

<sup>29</sup> Ka fao, bokomonisi, le go ya pele, bo tla hwetša maitseparelo bjalo ka ge bo dira, gomme go tšoeneng ka moka re ka kgonago go go dira go ka seke gwa tsoge gwa bo emiša. Bo boleletšwe pele gore bo tla tla. Eupša Modimo o bitša Kereke ya Gagwe.

<sup>30</sup> Ke ka fao mosadi yo monnyane yo a bego a swanetše go be a be a le mohuta wa Eliya! Ka baka la gore, ka mehla boitshwaro bo laetša se o lego sona. Gomme, gape, o be a kgethetšwe go thabiša moporofeta wa Modimo. Elelwang, e be e le Montle, e sego Mojuda.

<sup>31</sup> Gomme naga e be e eswa. Gomme ga go go kamaka gore mosadi yo monnyane yo, e le wa mohuta woo, e le wa mohuta wa bodumedi. . . Ka gore re bona gore Modimo nkabe a se a ke a mmitše, ge nkabe e be e se yena wa maswanedi go thabiša moporofeta wa Modimo. Ka gore O be a ka seke a romela moporofeta wa Gagwe ntlong yeo e bego e se na le maswanedi.

<sup>32</sup> E be e se kgetho ya gagwe. E be e le kgetho ya Modimo. E be e se yena a mo laelago. E be e le Modimo a mo laelago. O be a beilwe kgauswi le noka. Magukubu a be a mo fepa. Eupša e be e le taelo ya Modimo gore selo se sengwe se direge. Gomme Modimo ka nnete o ile go modumedi wa tlhago ye e swanago le ya Eliya.

<sup>33</sup> O be a le mosadi wa mohlologadi. Gomme ka moka re tseba se a, mosadi wa mohlologadi, a bego a fetilego go sona, ka monna wa gagwe a hwile gomme le mošemane yo moswa go mo godiša.

34 Gomme ka dinageng kua, ba be ba tshephetše go mabele a bona. Ba be ba se na le diporojeke bjalo ka ge re na le tšona lehono, gomme—gomme tšhireletšo ya dimela. Ba be ba tshepetše go mabele a bona. Gomme ka baka la gore bokgopo bja batho, le go bola ga maitshwaro a bona, go ile gwa tliša komelelo nageng, šiba ka moka ba bolawa ke tlala gomme ba a hwa.

35 Gomme ka gona re hwetša gore ntle le go kamaka o be a rapela bošego ka morago ga bošego, bošego ka moka, ge a thoma go bona gore seroto sa bupi se be se eya fase, fase, fase. Gomme se swanetše sa fihla lefelong go fihla fao go bego go se le ge e ka ba bupi bjo bongwe gape bo ka tlalago komiki ka serotong. Ka moka bjo a bego a na le bjona e be e no ba bjo bonnyane go tlala seatla. Lehu le be le etla thwi ka kgorong, mojako wa gagwe. Ka gore fao go be go se tsela ya go hwetša bjo bongwe go feta. Setšhaba sohle se be se bolawa ke tlala.

36 Gomme, makhura, e be e noba lehwana la go tlala le lebotse ka gare sedibelwaneng se sennyane. Makhura a makaalo feela le bupi bjo bokaalo di be di robetše gare ga gagwe le lehu. O swanetše go be a ile a hlokofala ka nnete ka dithapelo tša gagwe. O dumelela seo go ratha legae la gago, e tla ba go hlokofala kudu gannyane go feta ka fao re lego ka gona mosong wo, ge re tseba gore lehu le robetše mojako.

37 Gomme ke a dumela, mohlomongwe, re ka nagana, mohlomongwe, se, gore o ile a rapela bošego ka moka botelele, ka gore letsatši le letsee gape le ile la e rarolla. O ile a kgona go lebelela dipounana tše tsehla tša mošemane wa gagwe yo monnyane a ka bago mengwaga ye meraro goba ye mene ka bokgale. Gomme o be a kgona go bona marapo a gagwe mong a tloga a felella, ge nama e be e tloga go tšwa go wona. Gomme e swanetše go be e be e le selo sa go šiiša, ge mme yo, a bona dilo tše di eya. Gomme, go le bjalo, ka diatla tša gagwe pele ga Modimo, a rapela mosegare le bošego, “Bjale re fase go bupi bja go tlala seatla se setee le makhura a go tlala lehwana.”

38 Le a tseba, ke selo se se sego sa tlwaelega. A nke Modimo a dire se gore se nwelele ka go yo mongwe le yo mongwe wa lena, ge le ka se tsoge le nkwele ke rera gape. A nke se e be molaetša. Ke selo sa go se tlwaelege, sa go se tlwaelege kudukudukudu, sa gore nako ye nngwe Modimo o dira dilo ka tsela yeo.

39 Le a tseba, ge re boletše dibe tša rena gomme re kgotsofaditše senyakwa se sengwe le se sengwe se Modimo a se nyakago... Re dumetše go Modimo. Fao go na le maemo ao a swanetšego go kgotsofatšwa, gomme ke go ya ka thato ya Gagwe. Gomme re boletše dibe tša rena, gomme re dirile diphošo ka moka tše re di dirilego, di loke, re dirile se sengwe le se sengwe seo re tsebago ka fao se ka dirwago. Senyakwa se sengwe le se sengwe seo Modimo a se dirilego, goba a se kgopetšego, re kgotsofaditše senyakwa seo, gomme go le bjalo O robetše a homotše. O no se re arabe.

<sup>40</sup> Ke na le nnete gore ke bolela le batho, mosong wo, ba ba ilego ba tla lefelong leo. Ke bile fao, dinako tše ntši, ka bonna. Ge ke ile ka ya morago gomme ka lata mohlala wa bophelo bja ka gomme ka ribolla leswika le lengwe le le lengwe, gomme ka hwetša gore ke be ke dirile selo se sengwe sa phošo, ke tla se bolela gomme ka re, “Morena Modimo, ke tla se lokiša,” gomme ke a ya ka dira bjalo. Gomme ka bowa morago gape gomme ka re, “Bjale, Morena, Wena o Modimo; O tla nkaraba. Ka nnete ke kgotsofaditše kgopelo ye nngwe le ye nngwe yeo O nyakilego gore ke e dire. Gomme senyakwa se sengwe le se sengwe, ke se kgotsofaditše.” Gomme A no se šuthe, a bonala a dutše a homotše, fao ke nako ye o swanetšego go ba le nnete gore Ke Modimo. O seke wa nolega moko. Selo se nnoši ke, gore, ka pelong ya gago, o be le bonnete ka Modimo.

<sup>41</sup> Hlogotaba ya ka. Eba le bonnete, sa pele, pele o ka dira eng kapa eng. Eba le bonnete, ka pelong ya gago, gore ke Modimo. Gomme ge o kgotsofaditše se sengwe le se sengwe A se boletšego, gona o na le nnete gore Ke Modimo, yeo ke nako ye tumelo ya gago e yago go šoma, thwi fao. Tumelo e ema e sa šišinyege, ka gore e a tseba gore O gona.

<sup>42</sup> Gomme o kgotsofaditše senyakwa se sengwe le se sengwe. O dumela gore O gona, gomme tumelo e swara e sa šišinyege. Oo, a go šegofatšwe Leina la Gagwe! Tumelo e ka seke ya šutha, ka gore e na le nnete ya gore Modimo o gona, gomme ke moputsi wa bao ba Mo nyakago ka phegelelo.

<sup>43</sup> A nke se se ye fase go theogela botebong gomme se seke sa tsoge sa šutha go tloga go wena, Tabarenekele ya Branham. Ge o kgotsofaditše dinyakwa tša Modimo, gomme ka pelong ya gago o dumela gore O gona, Modimo o no be a leka tumelo ya gago, ka gore O rata go dira seo. O boletše sebe sa gago gomme o kgotsofaditše senyakwa se sengwe le se sengwe se Modimo a se nyakago, gomme O sa nno robala a homotše, elelwa, tumelo e re O gona. Ka gona tumelo e swarelela godimo ga sona, e sa tsebe gore ka moka ke ka eng, eupša e a tseba gore O gona, gomme ke bonnete gore O gona.

<sup>44</sup> Ka gona, elelwang, ge A le gona, Mantšu a Gagwe a swanetše go ba therešo. Gomme ge A go nyakile go kgotsofatša maemo a, gomme o dirile, O tlamegile go hlokomela Lentšu la Gagwe. O seke wa boela morago, gomme wa re, “Go lokile, ga se ka ke ka hwetša go fodišwa. Ke...” Oo, ya go šokiša, ya go fokola tumelo. O seke wa dumela seo. Ge se sengwe le se sengwe se boletšwego, gomme se sengwe le se sengwe se le ka ntle, gomme o kgotsofaditše senyakwa sa Modimo, tumelo e swareditše thwi fao. Fao ga go selo se se kago go e šuthiša. O gona, gomme o na le nnete. “Bao ba letetšego go Morena ba tla mpshafatša maatla a bona; ba tla hlatogela godimo ka diphego tša ntšhu. Ba tla kitima gomme ba ka se lape; ge ba sepela, ba ka seke ba tenwa.”



<sup>45</sup> Letela, ge o kgotsofaditše senyakwa sa Gagwe. Seo se tliša tumelo ya gago go makgaolakgang. Ge o kgotsofaditše... dinyakwa tša Modimo di dirilwe, goba di kgotsofaditšwe, gomme o se gopodišišitše ka botlalo, gomme o dirile selo se sengwe le se sengwe seo Modimo a nyakago o se dira, ka gona tumelo ya gago e khutša thwi fao, gore O gona. Eba le bonnete ka Modimo.

<sup>46</sup> O a tseba, O rata go re leka. O rata go bona go arabela ga tumelo ya gago. A o be o tseba seo? Modimo o rata go bona ka mokgwa wo o tlogo go arabela ka gona. Ge o re, “O Morena, ke a Go dumela. Wena o Mophološi wa ka. Ke a dumela gore O Mofodiši. Ke a dumela gore O yo Motee Yo a fago Moya wo Mokgethwa. Gomme dilo tše ke di nyakago, O Modimo Yo a fago seo.” Gomme ka gona ge o bolela ka moka dibe tša gago gomme o tshephiša Modimo se o tlogo go se dira ge A ka go dumelela wa fola, gomme ka gona ka baka la gore ga e direge, o tšhaba go tloga bjalo ka lefšega felotsoko. Modimo a ka se kgone go šomiša seo. Ga go na le tsela go Yena ya go go šomiša. Ga go na le tsela go Yena ya go go araba, ka baka la gore O araba feela ka tumelo. Ka gona, ka moka ka pela, o tloga go ya, gomme A ka se kgone go araba. Eupša ya nnete, tumelo ya therešo e ema fao, go beng le nnete gore Modimo o gona. Eba le bonnete gore O gona.

<sup>47</sup> Gomme ge Modimo a kgopela selo se gore se dirwe, go bolela dibe tša gago, le go ya pele, gomme o se dirile, tumelo e bolela gore O gona, ke bonnete gore se ya go direga. Kgopelo ya gago e swanetše go fiwa. Oo, ke—ke a holofela ga o lahlegelwe ke seo. Ge o na le nnete ka Modimo, Modimo o na le nnete ka Lentšu la Gagwe. O nno leta feela go go leka.

O e dirile dinako tše ntši. A nke re itšhidulle ka o tee goba ye mebedi melato.

<sup>48</sup> A re naganeng ka bana ba Baheberu. Ba be ba se ba swanela go khunamela modimo wa seswantšho. Modimo o be a na le kholofelo ka go bona. Gomme ge ba kwele gore ba be ba swanetše go ya ka leubeng la mollo, ba re, “Modimo wa rena o a kgona go re lokolla go tšwa leubeng le. Eupša ge A sa e dire, ga re khunamele wo mongwe wa medimo ya gago ya diswantšho.” Le a bona, ba be ba na le nnete le bonnete ka Modimo.

<sup>49</sup> Ba be ba tseba gore E be e le Jehofa. Ba be ba tseba gore O be a araba thapelo. Eupša goba O e dirile ka molatong wa bona, goba aowa, e be e tla ba ka lebaka le lebotse. Ka fao ba ile ba no dira setatamente sa bona, ba bolela dibe tša bona, gomme ba sepelela ka lehung.

<sup>50</sup> Ge ba be ba eya ka leubeng la mollo, ba be ba tseba gore ba be ba na le bonnete, gore, ge Modimo a ba tlogela gore ba swe, O be a tla ba tsoša gape, ka tsogong. Ba be ba na le bonnete ka Modimo, ka baka la gore ba be ba tseba gore Modimo o be a tla

šomela se sengwe le se sengwe go botse bja bona. Gomme ge re na le bonnete ka Modimo, re a tseba gore Modimo o šomela se sengwe le se sengwe go botse bja rena.

<sup>51</sup> Ka fao, ba ile ba dira setatamente se setee. Ba be ba na le bonnete, gomme ba sepelela thwi go ya ka leubeng la mollo. Gomme Modimo a ba tlogela ba sepelela kua; a dutše, a ba lebeletše. O be a nyaka go bona go arabela ga bona.

<sup>52</sup> Ge, kgoši a rile, “A le khunamile ge phalafala e be e lla?”

Ba ile ba re, “Aowa. Ga se ra ke ra khunama.” Fao go na le tumelo ya gago, e swere go tliša.

“Go lokile, gona, ge le se la khunama, a le tseba taelo ya ka?”

“Eye, re tseba taelo ya gago.”

“Taelo ya ka ke gore leuba le tla bešetšwa makga a šupa fišifiši go feta ka fao le kilego la ba ka gona, gomme ke tla le lahlela ka kua. A bjale le nyaka go khunama?”

“Aowa. Re ka seke ra khunama.” Šeo tumelo ya bona.

<sup>53</sup> Modimo o re, “Go lokile, Ke tla bona se ba ka se dirago ka ya yona. Ke tla bona gore ke go ikarabela gofe fao tumelo ya bona e nago le gona.”

<sup>54</sup> Ka fao a re, “Tlemang diatla tša bona, gomme le tleme maoto a bona, gomme le thome go ba iša leubeng.” Gomme ba sepelela godimo leubeng leo, le mollo ka difahlegong tša bona. Modimo a sa eme, a o lebeletše. Eupša ba be ba na le bonnete gore O be a le Modimo. Ba be ba dirile boipolelo bja bona. Ba be ba dirile se sengwe le se sengwe gore se loke, seo ba bego ba se tseba. Ba be ba na le bonnete gore O be a le Modimo.

<sup>55</sup> Ka fao ba ile ba sepelela thwi godimo leubeng leo la mollo. Thwi ka nako ya mafelelo, fao A tla a katišetša ka ntle ga magodimo, godimo ga koloi ya phefo, gomme a futhela moya wo botšididi go bona, mola A ba homotša gomme a bolela le bona.

<sup>56</sup> Modimo o tlogela tumelo ya gago go tla lefelong fao e tlogo go arabela.

<sup>57</sup> Fao go be go le Jobo, wa Tastamente ye Tala, ge Sathane, mmegi wa rena, a mmega go ba modiradibe wa sephiri. Eupša Jobo o be a tseba gore ga se a ke a dira sebe. O be a tseba gore o be a boletše se sengwe le se sengwe se a bego a se dirile, gomme a beile moneelo wo o tšhumilwego ntle kua. Seo e be e le senyakwa sa Modimo. Seo e be e le ka moka se Modimo a bego a se nyaka, e be e le moneelo wo o tšhumilwego le boipolelo. Gomme Jobo o be a dirile dilo tšeo.

<sup>58</sup> Gomme Sathane a re, “Ke tla tšea dikamela tša gagwe, ka gore ke monna wa mohumi. Ke tla tšea dinku tša gagwe.” Gomme mafelelong a tšea bana ba gagwe, ba kgauswiuswiuswi le pelo ya gagwe.

59 Go le bjalo, Jobo o ile a ema a kgodišegile, ka gore o be a tseba Modimo yoo, go lokile, o be a na le bonnete gore O be a le Modimo, ka gore o be a bolela le Yena, gomme o be a kgotsofaditše dinyakwa tša Gagwe. O ile a fetleka tlase gomme a hwetša, “Ke dirile moneelo wo mongwe le wo mongwe wa go tšhungwa. Ke boletše ka pelong ya ka, ‘Mohlomongwe ge barwa ba ka ba efa mo—mokete, gomme barwedi ba ka ba eba gona, mohlomongwe mo gongwe ba dirile sebe sephiring ka dipelong tša bona, ka fao ke tla neela moneelo wa go tšhungwa go tšwa go bona gomme ka bolela diphošo tša bona.”

60 O Modimo! Ge motho a boloka se Modimo a rilego se dire, o na le bonnete Ke Modimo, O swanetše go araba. Tumelo e Mmiletša lefelong la tiragalo, nako ye nngwe le ye nngwe.

61 Ge o dirile se o tsebago gore se lokile, ge o kgotsofaditše dinyakwa tša Gagwe, ge o boletše gomme wa lokiša, gomme wa dira poelano, gomme wa e ala pele ga Modimo. Ga ke tshwenyega gore O homotše bjang, O sa no ba Modimo, o letetše go bea tumelo yeo fale. O dirile mešomo ya gago, bjale O nyaka go bona tumelo ya gago ka mešomo ya gago. O nyaka go bona se o tlogo go se dira.

62 Ge o tloditšwe gomme wa rapelelwa, Modimo o letetše go bona se o tlogo go se dumela ka yona. E sego go kitimela godimo Lamorena le le latelago, gomme wa kitima letšatši le le latelago, gomme mofodiši yo a latelago o tla go kgabola ka toropongkgolo. O latetše go bona go ikarabela ga gago ka tumelo ya gago. E sego go sepelela morago, letšatši le le latelago, gomme wa re, “Ke ikwela ga mpe kudu, ga ke thanke gore ke fodišitšwe.” Ga wa swanela mothaladi wa thapelo, lefelong la pele. Ga wa swanela. Ga wa swanela. Ga se wa lokela, go le bjalo. Ga o dumele gore Ke Modimo. Ga ke. . .

63 O ka no re, “Ngwanešu Branham, ga ke dumelelane le wena.” Boitshwaro bja gago bo tla hlatsela se o lego sona. “Ka dienywa tša bona le tla ba tseba.” Ge monna a re ke yena Mokriste, gomme a sa nwa, gomme a kgoga, gomme a sa kempola, gomme a bolela metlae ya ditšhila, gomme a re, “Karolo ya Beibele e a rereša, gomme karolo ye nngwe ga se yona,” a ka no rera Ebangedi, gomme a gana karolo ya Beibele, o sa le modiradibe. Ga se a be a loka, go le bjalo.

64 Gomme ge o bolela phatlalatša gore Modimo ke Modimo yo a swanago, gomme bophelo bja gago bo dirwa ka diatleng tša Gagwe, go ba, “Morena, ke nna letsopa; Wena o Mmopi,” gona kgopela se o se ratago. Tumelo e ka se tsoge ya šutha. E tla ema thwi fao.

65 Le ge maemo a ka bonala a e wa go tšwa go la go ja le la ngele, eupša tumelo yeo e ka se tsoge ya šutha, ka baka la gore o na le bonnete gore Ke Modimo. Gomme ge E le Modimo,

O boloka tshephišo ya Gagwe. A ka se kgone go dira tshephišo gomme a e roba. Ge E le Modimo, O swanetše go boloka tshephišo ya Gagwe. Oo, ke rata seo. O swanetše go dula le yona.

<sup>66</sup> Jobo o ile a dira meneelo ya gagwe; a dira se sengwe le se sengwe. O be a tseba gore o be a lokile. Gomme fa go tla maloko a kereke kgauswi, ba bangwe ba dikereke ba dikereke tša maina, ba re, “Jobo, o ka no bolela le wena gore o modiradibe, ka gore Modimo o be a ka se go tlogele wa otlwa ka mokgwa wo ntle le ge o be o le modiradibe.”

<sup>67</sup> Eupša Jobo a re, “Ke dirile boipolelo bjaka. Ke beile moneelo wo o tšhumilwego ntle pele ga Modimo, gomme ga se nna modiradibe.” O be a tseba fao a bego a eme. Ka gona se sengwe le se sengwe se ile sa ya pele, go no ya pele le pele le pele, feela ka bothata ka fao se bego se kgona go ya, go leka go theoša Jobo, le go tliša Jobo lefelong fao a bego a tla latola Modimo go latola moneelo wola o tšhumilwego. Wona motsotso wo o tšeago kgato godimo ga se sengwe le se sengwe o se boletšego, se laetša bofokodi bja gago, go kamaka Modimo ga gago. O kgopetše Modimo eng kapa eng, gomme o sepela go dikologa o e kamaka, gona o mokamaki gomme e sego modumedi.

<sup>68</sup> Jobo o be a tseba fao a bego a eme, gomme o ile a ema ka go se šišinyege godimo ga motheo woo.

<sup>69</sup> Ga go makatše ge Perronet a boletše, ka iring ya gagwe ya go hwa:

Godimo ga Kriste, Letlapa le lethata, ke a ema;  
Ka moka mebu ye mengwe ke lešabašaba le le  
nwelelago.

<sup>70</sup> Godimo ga letlapa leo la boipolelo bja Jobo, le mosadi wa gagwe wa go ratega o ile a sepelela ka ntle. Ge pholo ya gagwe e be e ile, gomme dišo di le ka moka godimo ga gagwe, o ile a ingwaya ka boyena gomme a rogaka letšatši le a tswetšwego ka lona. A re, “A nke letšatši le seke la be la phadima! A nke ngwedi o dule fase bošego.”

Mosadi wa gagwe a re, “Jobo, o šokiša kudu. Ka lebaka la eng o sa rogake Modimo gomme o hwe?”

<sup>71</sup> A re, “Wena o bolela bjalo ka mosadi wa setlaela.” O be a na le bonnete gore fao go be go na le Modimo, gomme o be a kgotsofaditše dinyakwa. Oo, ke ikwela bodumedi. O be a tseba gore o be a kgotsofaditše dinyakwa tša Modimo, gomme seo se a e rarolla. Modimo o be a leka tumelo ya gagwe. O tla leka ya gago. O tla leka ya ka.

<sup>72</sup> Eupša ge re kgotsofaditše dinyakwa tša Gagwe, “Sokologang yo mongwe le yo mongwe wa lena gomme le kolobetšweng Leineng la Jesu Kriste tebalelong ya dibe tša lena, gomme le tla amogela neo ya Moya wo Mokgethwa,”

yeo ke tshephišo ya Gagwe. “Yo mongwe magareng ga lena a babjago, bitša bagolo ba kereke. A ba ba tlotše ka makhura, gomme ba rapele godimo. Thapelo ya tumelo e tla phološa balwetši, gomme Modimo o tla ba tsoša.” Seo se a e rarolla. “Bolelang diphošo tša lena, yo motee go yo mongwe, gomme le rapelelane yo motee go yo mongwe.” Le kgotsofaditše dinyakwa tša Modimo.

<sup>73</sup> “Maswao a a tla latela bona ba ba dumelago. Leineng la Ka ba tla rakela bodiabolo ntle; ba tla bolela ka maleme a maswa; ge ba ka swara diserpente goba ba nwa dilo tše di bolayago, se ka se ba gobatše; ge ba bea diatla tša bona godimo ga balwetši, ba tla fola.” Seo se a e rarolla.

<sup>74</sup> Eba le bonnete ka Modimo. Eba le nnete, gore ka pelong ya gago, gore o a dumela gore leo ke Lentšu la Modimo. Jobo o be a dira.

Mosadi wa gagwe o ile a re, “Ke baka la eng o sa Mo rogake gomme o hwe? Ka baka la eng, o eba mo go šorošoro nako ka moka.”

<sup>75</sup> Ka mokgwa wo Sathane a ratago go lahlela seo go wena. “Ka baka la eng, ga o kaonekaone go feta ka fao o bego o le ka gona ge o be o tlotšwa. Ga o kaonekaone go feta ka fao o bego o le ka gona ge bona bareri ba go rapelela. Bareri ga ba gabotse, lefelong la pele.” Ga go molato ka moreri yola. Ke tumelo ya gago go Modimo yo a phelago, ye e namelelago. E sego se moreri a lego sona; ke se Modimo a lego sona. Moreri ga se a ke a dira tshephišo; Modimo o dirile tshephišo. E sego godimo ga moreri; ke godimo go Modimo, le tumelo ya gago go dumela gore yeo ke Modimo. Ka fao eba le bonnete ka Modimo. Eba le bonnete gore ke Modimo, gomme leo ke Lentšu la Modimo. Gomme Modimo o ka Lentšung la Gagwe.

<sup>76</sup> Gomme Jobo o ile a re, “Wena o bolela bjalo ka mosadi wa setlaela.” A re, “Morena o be a file, gomme Morena o tšere; a go šegofatšwe Leina la Morena.” O be a na le bonnete gore fao go be go le Modimo.

<sup>77</sup> Gomme ge a ntšheditše seo ka ntle ga molomo wa gagwe, medumo ya thoma go rora gomme magadima a thoma go gadima. Modimo o ile a šuthela lefelong la tiragalo. Ka mehla e Mmiletša lefelong la tiragalo. O dula a homotše nako ye telele.

<sup>78</sup> Seo ke se A se dirago. Lebelela sehlopa sa Maamerika a go tlemelwa-hele, baikaketši ba go ya kerekeng. Ga se ka befelwa. Eupša sebe se befediša yo mongwe le yo mongwe yo a lokilego le Modimo. Ga se ka befella setšhaba, ga se ka befella batho, eupša ke befeletše Diabolo yo a dirilego dilo tše gore di fofatše batho.

<sup>79</sup> Badiša ba ba go fofala le bareri ba tlogeleng ba ye le mohuta wo o itšego wa thutobomodimo ya madirwa ke motho. Le swanetše go tswalwa gape. Gomme Modimo o

boloka Lentšu la Gagwe. O mmone ge a ba dira kunku robala. Bokaone o be le nnete gore fao go Modimo. “Ba na le sebopego sa bomodimo, gomme ba gana Maatla a bjona.”

<sup>80</sup> Yo wa go dila, yo monnyane mosadi, o be a tseba gore O be a le Modimo. Ge seroto sela se be se e ya fase, fase, fase, fase, maemo a be a eba a mabemabe le a mabemabe, nako ka moka. Eupša Modimo o be a se dumelela go ba ka tsela yeo. O no rata go dira seo. O rata go bea tumelo ya gago tekong, go bona gore o tla dira bjang godimo ga yona, o dira gore o tlotšwe gomme o rapelelwe, gomme o go dira gore o be ga mpempe. O re, “Etlā mo, Sathane, mmee tekong. Ke a tseba o a Ntumela.” Šegofatšang Modimo go ya go ile! Oo, nna! [Ngwanešu Branham o phaphata diatla tša gagwe makga a mabedi—Mor.] “Mmee tekong bjale. Ke a tseba o e tšetše Lentšu la Ka.” A A ka kgona go bolela ka wena?

<sup>81</sup> O boletše seo ka Jobo. A re, “Dira se sengwe le se sengwe o nyakago go se dira go yena, eupša o seke wa tšea bophelo bja gagwe, ka gore Ke a tseba o a Nthata. O dirile moneelo wa go tšhungwa. O dirile dinyakwa. O dirile se Ke mmoditšego gore a se dire, gomme o a se dumela. Bjale mo pshikološe bogodimo bja magala ge o nyaka go dira.” O ile a tšea se sengwe le se sengwe go tloga go yena. Modimo o ile a e mena gabedi ge A e fa morago go yena. Nnete, O tla dira.

<sup>82</sup> O bea tumelo ya rena tekong, go bona ge e ba ka nnete re a dumela gore Ke Modimo.

<sup>83</sup> Mosadi yo monnyane yola, ga go kamakege, o rile, “Ke rapetše. Ke rapetše. Ke a tseba gore ke nna mohloka maswanedi a Montle.”

<sup>84</sup> Elelwang, Jesu o boletše ka yena ka Beibeleng. A re, “A go be go se bahlologadi ba bantši matsatšing a Eliya? Eupša o be a rometšwe feela go yo motee, gomme e be e le Montle?”

<sup>85</sup> “Oo,” o rile, “ke a rapela.” Mohlomongwe, ge a be a bona kuku ye nnyane yela ya mafelelo, lehu le be le dirile go tsena ka kgoro gomme la tla ka mojako. Mokgamo wo motee gape, seripana, gomme yena le morwa wa gagwe ba a hwa. Ke kgona go mmona, bošego ka moka, a rapela, diphefo tša go fiša di foka, gomme lefase le omeletše, gomme batho ba lla ba goelela ka diterateng. O ile a sepela go dikologa, go kgabola ntlo. A lebelela mošemane wa gagwe yo monnyane. A lebelela dipitšama tša gagwe tše nnyane; ka moka di be di fedile, gomme maoto a gagwe a tšwetše ka ntle. A lebelela diatla tša gagwe mong, di šošobane. O ile a sepelela morago le pele, eupša a re, “Ke a tseba gore Ke Modimo. Ke dirile boipolelo bja ka ka moka. Ke dirile se sengwe le se sengwe se A se nyakilego. Ke kgopelela maphelo a rena, bakeng sa letago la Gagwe.” Modimo o ile a mmona.

<sup>86</sup> Ka moka ga bona ba be ba e ya ka ntle go ba le tantshi ye kgolo felotsoko, ba ipotsefatša ka bobona, ba na le taetšo ya thelebišene ya sebjalebja goba selo se sengwe, ba tšwela pele le lefase. Eupša mosadi yola o be a le noši le Modimo.

<sup>87</sup> Seetša sa letšatši sa tšwelela. A re, “Mothaka yo monnyane o lletše selo se sengwe sa go lewa bošego ka moka. Na ke tla dira eng ka bupi bjo bonnyane bja go tlala seatla se setee?”

<sup>88</sup> Le a tseba, bupi bjoo e be e le Kriste. Moithuti yo mongwe le yo mongwe wa Beibele o a tseba gore Kriste e be e le Bupi bja moneelo. Gomme bupi bjoo bja moneelo bo be bo swanetše o šilwa ka tšhilo ye e kgethilwego, le bjona, go fihla ge e ripa seripana se sengwe le se sengwe sa lebele ka go swana; ka baka la gore Jesu Kriste o a swana, maabane, lehono, le ka gosafelego. Gomme modumedi yo mongwe le yo mongwe o dumela seo gomme o khutša godimo ga sona. Haleluya! O ka no ba le ka moka bja gago bja kgale, bja go tonya bja go beakangwa bodumedi o bo nyakago. Ge e le nna, ke dumela gore Kriste o a swana maabane, lehono, le ka gosafelego. Ke dira go ema ga ka ka lefaseng la ba ba sa dumelego. Ke sa dumela gore O a swana maabane, lehono, le ka gosafelego.

<sup>89</sup> Tšona ditšhilo di ripa karolwana ye nngwe le ye nngwe ya bjona go swana feela, ka baka la gore O a swana. Ke Modimo yo a swanago yo A bego a le gona nako yeo, O gona thwi bjale, mosong wo. Ka mehla O tla ba yo a swanago. Seo ke se bupi bo bego bo se bolela.

<sup>90</sup> Gomme makhura a ra Moya, bjalo ka ge re tseba go ya ka Hesechiele 4, le go ya pele. Ke ka lebaka leo re tlotšago ka makhura; ke Moya. Ke eng? Bjalo ka ge Mokgethwa Johane 4, “Tate o nyaka ba ba bjalo go Mo rapela ka Moya le ka Therešo.” Jesu o be a le Therešo. O be a le Bupi bja moneelo, gomme makhura a e be e le Moya. Gomme Moya, o hlakane le Therešo, o swanetše go tliša selo se sengwe. E bee mmogo, e dira kuku. Oo!

<sup>91</sup> Tumelo ya gago e kae? Ge Lentšu la Modimo le rerwa bonolong bja Lona, le ge e le Maatleng a Lona, gore Jesu Kriste o a swana maabane, lehono, le ka gosafelego, gomme Lentšu le ya pele e le Bupi, o na le Makhura go hlakana le Lona. Le ka no ba e le le lennyane go tlala seatla, goba go tlala lehwana, eupša, eng kapa eng e lego lona, ke nnete.

<sup>92</sup> Bjale le loketše eng? Le loketše sefapano. Le loketše go itira sehlabelo ka bolona. Seo ke se o swanetšego go se dira. Ge Lentšu le rerilwe, gomme o na le Moya gomme wa Le hlakanya mmogo, ke go itira sehlabelo ka bowena go gana bohloko bjo bongwe le bjo bongwe, go gana bolwetši bjo bongwe le bjo bongwe, go gana se sengwe le se sengwe seo se lego kgahlanong le Lentšu la Modimo, gomme ema godimo ga lona.

<sup>93</sup> Ngaka e bolela *se, seo*, goba *se sengwe*; ga se dire le karolwana ya phapano. Ema godimo ga Lona, ka baka la gore Modimo o boletše bjalo. Bupi bo a tla. O na le Makhura. O Bo hlakanye mmogo.

<sup>94</sup> Bjale, ke kwa lentšu. Ke gannyane ka morago ga seetša sa letsatši. Lentšu le bolela, gomme le rile, “Eya ka ntle ka serapeng gomme o hwetše diphata tše pedi.” A le etše hloko, Lengwalo le rile “diphata tše pedi”? Sefapano. O be a na le bupi le makhura, eupša o ya go bitšwa, gore a dire bjale; a dire ka bjona. Bontši bofe kapa bofe o nago nabjo, bontši bja Bupi goba Makhura ka fao o nyakago, eupša o swanetše go dira; go itira sehlabelo ka bowena.

<sup>95</sup> Diphata tše pedi. Dinakong tša kgale ga se bake ba hwetša tsela ye kaonekaone ya go gotša mollo. Ge o tšea phata gomme wa e bea go putla phata, wa e gotetša bogareng, wa e koba dintlha tše pedi. Maindia ba tšhuma mollo wa bona. Ke o tšhumile, dinako tše ntši, bošego ka moka botelele. O no tšea kota, gomme yona ka tsela *ye*, gomme ye tee ka tsela *yela*, gomme o no tšwela pele o e kgoromeletša ka mollong e eswa.

<sup>96</sup> Phata yeo e be e le sefapano. “Diphata tše pedi,” Beibele e boletše. Lentšu le rile, “Eya go kgabola serapa gomme o hwetše diphata tše pedi.” Ka nako ye e swanago, godimo ga thaba, fao go be go le lentšu le le dumelago tlase go moporofeta gomme la re, “Eya toropongkgolo. Ke laetše.” Oo, nna! Bobedi bja bona ba ile ba obamela. Selo se sengwe se swanetše go direga. Bobedi bja bona ba a obamela.

<sup>97</sup> Ge moreri a rera Lentšu, gomme monna yo a Le amogelago a Le dumela gomme a dira godimo ga Lona, selo se sengwe se swanetše go direga. Ge o le modiradibe, o swanetšwe ke gore o phološwe. Ge o babja, o swanetšwe ke gore o fodišwe, ka baka la gore Modimo o e tshephišitše, ge re na le bonnete ka Modimo.

<sup>98</sup> Ka nnete ka fao A lego Modimo, O swanetše gore a boloke Lentšu la Gagwe. Nnete! Ka gona taelo e be e le, “Eya toropongkgolo, ka gore Ke laetše mošadi wa mohlologadi.” Pono ya bulega pele ga moporofeta. Šo o a tla, a sepele. Ga a tsebe mo a yago; ga e dire phapano ye e itšego. O no obamela.

<sup>99</sup> Ga a tsebe fao diphata di tlogo go be di robetše gona, eupša fao go na le diphata tše pedi ka serapeng felotsoko. O thoma go tloga. O ya ntle ka serapeng. O lebelela go dikologa, “Oo, go fiša bjang!” Go goelela go tšwa toropongkgolo, diphiphila mašego di etla ka kua, ba phophola go bapela, ba enwa dibeine tša bona, le go ya pele. O lebelela go theoga seterata. Ga a bone selo. O hwetša phata e tee; karolo ya sefapano, go ipapola ka boyena. O hwetša seripa se sengwe, phata. Gomme ge a topa phata yela ya bobedi. . .

<sup>100</sup> Oo, ka mokgwa wo go bego go le leutu ka gona, lehu le robetše mojako. Yena le morwa wa gagwe ba be ba swanetše



go ja seripana se sennyane sa letompolo gomme ba hwe. Seo e be e le ka moka ga sona. Gomme nako ye nngwe, thwi ka gare ga leutu, fao re kwa lentšu.

<sup>101</sup> Ge a topile phata yela ya bobedi gomme a thoma go boela morago, fao go bile lentšu le etla bokagodimo ga kgoro, la re, “Nkgele meetse a manyane ka sego.”

<sup>102</sup> O ile a retologa go lebelela, ka diphata tše pedi tše ka seatleng sa gagwe, le bupi le makhura di hlakane gomme di loketše. O rile o be a šetše a bo dubile, a di hlakantše mmogo. Seo ke, Lentšu le Moya, di swanetše go hlakana mmogo. Robala godimo ga sefapano sa go itira sehlabelo ka bowena, go gana se sengwe le se sengwe se se lego kgahlanong le se o se kgopetšego. Seo ke therešo. “Ke bo hlakantše, bjale ke ya go tšea diphata tše.”

Gomme lentšu leo la re, “Ntlišetše meetse a manyane a go nwewa, ka sego.”

<sup>103</sup> O a lebelela, gomme o bona monna a eme, a ithekgile go fapanya kgoro, seledu se se sese, ka maledu, hlogo ya lefatla, a lebeletše go putlaganya kgoro, ka seripa sa kgale sa mokgopha wa nku o tateditše go mo rarela. A lebelelega bjalo ka ge o ka re o be a le mohuta wa mokgomana wa go tšofala wa go lebelelega a lokile.

<sup>104</sup> O ile a re, “Ke tla abelana meetse a ka le yena.” Meetse a Bophelo, o rata go a fa yo mongwe le yo mongwe, go botša mang kapa mang, go ya kae kapa kae. “Lebakana feela, mohlomphegi.” A thoma go ya morago, le diphata ka seatleng sa gagwe.

<sup>105</sup> Gomme lentšu la duma gape, “Ga o abelane feela meetse a gago, eupša ntlišetše lerathana la borotho ka seatleng sa gago.” Borotho bja bophelo; meetse a bophelo! A e be e le bja bophelo? O be a tla hwa ka pela ge bjoo bo senyega. “Ntlišetše meetse a gago gomme o ntlišetše le borotho bja gago.”

<sup>106</sup> Re hwetša eng fa? Ke thuto efe re ka kgonago go e hwetša? “Nyakang pele Mmušo wa Modimo, le go loka ga Gagwe ka moka; tše dingwe dilo di tla oketšwa.”

“Ntlišetše meetse a manyane le lerathana la borotho.”

<sup>107</sup> Ka gona o ile a retologa, ka leutung la gagwe. Ke kgona go mo kwa a re, “Mohlomphegi,” selo se sengwe sa go swana le se, “o fapana le banna ba ke ba bonego, le banna ba ke ba kwago ba bolela. O bonala o na le lehlakore le lebotse ka se o se bolelago. Eupša ke na le feela bupi bjo bo lekanego, bja go no tlala seatla, le feela makhura a go tlala lehwana. Ke bo dubile, gomme ke ya go bo apea ka diphata tše pedi tše. Gomme ke ya go bo ja, nna le morwa wa ka, gomme re hwe. Ke ka moka ke nago naso.”

<sup>108</sup> Re kwa eng, gona, se se latelago? “Eupša, ntšeele kuku ye nnyane, pele.” Modimo, pele. Ga go kgathalege gore mang

kapa mang gape o reng, seo eng kapa eng gape, ke bohlatse bofe, go lebelelega leutu bjang, e ka ba eng kapa eng, tšea Modimo, pele. Lentšu la Gagwe, pele.

<sup>109</sup> “Ngaka o rile nka se kgone go fola.” Eupša, Lentšu la Gagwe, pele. “Ke nna modiradibe kudu. Ke nna seotswa. Ke nna lekempolara. Ke nna letagwa.”

Lentšu la Modimo, pele. “Le ge dibe tša lena di ka ba bjalo ka letsoku, di tla ba tše tšhweu bjalo ka leswele; tše khubedu bjalo ka madi, di tla ba tše tšhweu bjalo ka boya.” Modimo, pele.

<sup>110</sup> “Eya, ntlšetše kuku ye nnyane, pele. Ka moka se o nago naso, se tliše go nna.” A o a rata go se neela ka diatleng tša Gagwe?

<sup>111</sup> Bophelo bja ka, ka moka se ke lego sona. Ke mengwaga ye masometlhano ka bokgale. “A o a rata, William Branham, go bo bea go Nna? A le a rata, lena bana ba bannyane, go bea bophelo bja lena go Nna? A le a rata? Le ka kgona go e dira, batho ba ba babjago? A le ka kgona go Ntšhepha? Beang Nna pele.”

<sup>112</sup> “Tliša lerathana la borotho ka seatleng sa gago, gomme o nkgele meetse a mannyane.” O ile a mo lebelela. Fao go be go na le selo se sa go mmošša gore monna yola o be a tseba se a bego a bolela ka sona.

Modimo o tseba dinku tša Gagwe Mong. “Dinku tša Ka di tseba Lentšu la Ka. Di tseba ge e ba ke Lengwalo goba aowa, ge e ba le a rereša goba aowa.”

<sup>113</sup> O a retologa, ka go obamela. Seo ke se o swanetšego go se dira. Gomme ge a retologile, go obamela seo moporofeta a rilego a se dire, nako yeo gwa tla modumo go tšwa Legodimong, woo monna yo mongwe le yo mongwe a go lebelela go kwa. Ka gore, fao go tšwa modumo go tšwa go lentšu la moporofeta, leo modiradibe yo mongwe le yo mongwe le motho yo mongwe le yo mongwe yo a babjago a hlologetšego go le kwa, “GO RIALO MORENA.”

<sup>114</sup> Re hlologetše bjang go Le kwa! Ka fao batho ba ba dutšego ka tseleng ya ka ya go tsena, ba re, “Etle go mojako wo. Morwedi wa ka o ka go se *sebjalo*. Ngwana wa ka, nna, o fase kudu. E no bolela lentšu.” O ka le bolela bjang pele le e ba ka molomong wa gago? O tla be o le bolela ka bowena. Eupša ba hlologela go kwa yeo, “GO RIALO MORENA.”

<sup>115</sup> Fao e a tla, go putlaganya legora, ka baka la gore o be a obamela. Gomme leutu la robega. “GO RIALO MORENA. Seroto se ka seke sa hloka, le legapa le ka seke la oma, go fihla letšatši le Morena Modimo a romelago pula lefaseng.” Oo, a khomotšo!

<sup>116</sup> O ile a dira kuku. A e fa moporofeta. A ya morago gomme a direla morwa wa gagwe ye nngwe le yena mong. Gomme ba ja ba nwa, ba na le tše ntši, godimo ga lefase.



<sup>123</sup> A o modiradibe? A senyakwa sa gago ke se segolo, o tseba gore ge Modimo a ka bitša, lehono, o tla lahlega? A o mokgelogi o tšhaba go tšwa go Modimo? Gomme o tseba gore ke wena wa kereke ye nngwe, eupša o a tseba gore ga se wa loka? Letswalo la gago mong le a go botša, go ya ka Lentšu, gore ga se wa loka. Gomme o na le senyakwa. O seke wa lesa mantšu a a wela mebung ya meetlwa, goba godimo ga matlapa, dipelo tša leswika. A nke a wele go wo mobotse, wa go nona mobu.

<sup>124</sup> Ge o babja gomme o . . . ngaka e re o ka se fole, gomme o tshephiša Modimo o tla Mo direla matšatši ka moka a bophelo bja gago, gomme o na le nnete gore Ke Modimo, etla gomme o phethagatše senyakwa sa Gagwe. Ge o na le senyakwa, a pele o ka dira bontši ka go emišetša seatla sa gago go Modimo, gore o na le senyakwa sa selo se sengwe? Modimo a go šegofatše.

A re rapeleng.

<sup>125</sup> O Morena, ka nnete feela go no swana le ge ke eme mo phuluphithing ye mosong wo, ke a tseba gore fao go be go ka se kgone go ba setee sa diatla tšeo go ya godimo ntle le gore Wena o se tsebe, ka gore Wena o Modimo. O rile, “A ga se dithaga tše ntši tše di rekišwago ka difatene tše pedi? A ga le ture kudu go feta thaga!” Ke ga kae go fetiša mo O bonago diatla tša dibopiwa tšeo di hwago, tšeo Morwa wa Gago Jesu a di hwetšego! Ke gantši bjang mo O bonego diatla tša bona go feta ka fao O bego o ka bona thaga, ge e be e ka wa mosong wo! Ke a eleletša gore . . . dithaga tše lesomepedi di be di ka se rekišwe peni mosong wo, ka gore ga go le yo motee a di nyakago. Go be go tla ba bothata go di boloka. Eupša O tseba ye nngwe le ye nngwe ya tšona; O tseba lefofa le lengwe le le lengwe leo le lego mmeleng wa tšona. O tseba moriri wo mongwe le wo mongwe wo o lego hlogong ya rena.

<sup>126</sup> O Morena, araba thapelo. Ba dire gore ba be le bonnete, mosong wo, gore O Modimo, gomme Ke Moya wa Gago. A nke go hloka matšato le maatlakgogedi a bodumedi bja letšatši le la sebjalebja le di we go tloga go bona, ba re, “Oo, ke nna wa kereke ye e itšego ye *bjalo*.” Modimo, a nke seo se timelele go tloga megopolong ya bona, thwi bjale. Ka mo nakong ye tee ye, a nke ba sware kgetsolo ya Bophelo bjo Bosafelego. Gomme ka gona ba tla nyaka gomme Bo swarelwa ke tlala, go tseba se Modimo a lego sona, gomme ba ba le bonnete gore O gona. O boloka Lentšu la Gagwe.

<sup>127</sup> Go modiradibe, a nke ba sokologe ka pela, ba direle go lokela kolobetšo Leineng la Jesu Kriste. Gomme O tshephišitše gore O tla ba fa Moya wo Mokgethwa. O e boletše, Morena. O boloka tshephišo ya Gago.

<sup>128</sup> Fale go na le mokgelogi yo a nago le bonnete gore O Modimo, gomme ba tlarumetše kgole. A nke ba tle lehono, ka

baka la gore O rile, “Le ge dibe tša lena di ka ba bjalo ka letsoku, e tla ba tše tšhweu bjalo ka leswele. Tše khubedu bjalo ka madi, di tla ba tše tšhweu bjalo ka boya.”

129 Gomme ge e le gore fao go na le bao ba babjago, a nke ba lemoge gore O Modimo. O boloka Lentšu la Gago. O swanetše go boloka Lentšu la Gago. Ge ba ikala ka bobona, le Makhura a bona, Moya, wo o lego ka go bona wo o bolelago gore ba a dumela. Gomme ka gona, gape, le Lentšu, Borotheo bja Bophelo bjo bo tšwetšego pele, Kriste; a šiletšwego bona, ka Tastamente ye Tala; le ka Tastamenteng ye Mpsha, go laetša gore O a swana maabane, lehono, le ka gosafelego. A nke ba hlakanye Lentšu leo le Makhura, Moya, wo ba nago le wona, ka gona ba eme ka maoto a bona aletareng, ba re, “Se ke ka moka ke nago naso, Morena. Ke a se tliša.”

Oo, O tla atiša bjang! Ka fao e tla biletšago Modimo wa histori lefelong la tiragalo! Ka fao e tla dirago Jehofa gore a emelele, ka pelo ye e kokomogilego, gore, “Ke na le ngwana yo a ka Nkobamelago. Ke mmeile go putla teko, gomme o hlatsetše gore o a Nthata gomme o a Ntumela. O na le bonnete bja gore Ke gona.” Ka gore le rile, “Yo a tlogo go Modimo o swanetše go dumela gore O gona, gomme ke moputsi wa bao ba Mo nyakago ka phegelelo.” E fe, iring ye, ge re e neela go Wena.

130 Gomme, bjale, ge re sa na le dihlogo tša rena di inamišitšwe. Gomme ba ba nyakago eng kapa eng, a le ka ema ka maoto a lena, bao ba nyakago go bea. . . Bjale, ge o se na le bonnete gore Ke Modimo. . . Ge o na le bonnete gore Ke Modimo, o ya go boloka tshephišo ya Gagwe, phološo, phodišo, eng kapa eng e lego sona, ge o na le bonnete gore Ke Modimo, ema ka maoto a gago. Ge o na le yo mongwe gape o ratago go mo rapelela, ema ka maoto a gago. Ge o—ge o na le bonnete gore Ke Modimo, dira kgopelo ya gago e tsebje ka kopanong ya bakgethwa. O a e dira ge o ema ka a gago. . . [Lefelo la go se be le selo godimo ga theipi—Mor.]

“Ke na le bonnete Ke Modimo. Ke a dumela gore O boloka Lentšu la Gagwe. Gomme ke na le kgonthe gore kgopelo ya ka. . . Ke tla e ala ka tlase ga Madi, thwi bjale.” Ge o dira seo, ala sebe se sengwe le se sengwe. Sebe se sengwe le se sengwe ke go se dumele. O ka no ba o le leloko la kereke, eupša ke ra sebe, “go se dumele” ga gago. O go ala fase bjalo ka sehlabelo. O ya go dira sehlabelo. O tla sefapanong. O ya go dira sehlabelo, bjale, ka moka go se dumele ga gago. Gomme o go neele ka kua go Yena, gomme o tsebe gore O gona, gomme o na le bonnete gore O ya go araba. Ge o kwana le seo, emišetša seatla sa gago godimo. Ema ka tsela yeo.

131 Morena, Wena o Modimo. Šia Makhura a bona le Mabele a bona, di hlakane mmogo. Ba Se tliša sefapanong, fao Mollo wa

Modimo o tlogo go wela ka dipelong tša bona (ge ka mmannete ba e ra seo) gomme wa tšhuma sehlabelo seo. O tla šuthela lefelong la tiragalo, wa rotoša meetse a ka mokgopheng. O etla go tšwa Legodimong, ka koloing ya Mollo. O tla šišinya magodimo ohle le lefase, go ba putsa.

<sup>132</sup> Ge ba eme ka diatla tša bona godimo ka moyeng, ba laetša gore ba a dumela, gomme ba ikadile ka bobona, le kgopelo ye nngwe le ye nngwe ye ba nago nayo, thwi godimo ga aletara ya Gago. O Modimo wa Legodimo le lefase, Moahlodi wa Magodimo le lefase, ka nnete Moahlodi wa Legodimo le lefase o tla neela toko. Ka nnete O tla boloka Lentšu la Gagwe, Wena Yo a tsebago dipelo tša banna, dipelo tša basadi, dipelo tša batho ba.

<sup>133</sup> Morena Modimo, ke bea diatla tša ka mong godimo, ka gore ke a tseba gore ke na le go fetoga ga bodiredi bjale. Gomme ke a dumela gore O gona. Ke Go bone o eme ka kua ka Pilareng ya Mollo. [Ngwanešu Branham o kokota godimo ga phuluphithi makga a mararo—Mor.] Ke Go bone o fetleka diphiri tša dipelo tša banna. Le nako e tee ga se wake O feila. O bo tshepišitše ge O bo dira ka kua, go kgabaganya seterata fa, ge la pele O thoma go šoma ka go dira dilo tše. Gomme O ntšhireleditše go dikologa lefase, le go dikologa le go dikologa. Ke na le nnete O Modimo. Ke na le bonnete ka seo.

<sup>134</sup> Ke ineela ka bonna le batho ba, le sehlabelo sa ka moka tše ke nago natšo, Morena, go Wena, go ba tirelo. Ke thoma gape, Morena, go sepela go dikologa lefase. Nthuše, O Modimo. Ge ke ile ka se Go dumele ka nako efe kapa efe, ntebalele dibe tša ka. Ntebalele go se dumele ga ka. Ke a tseba gore O gona, gomme o moputsi wa bao ba Go nyakago.

<sup>135</sup> Ka mokgwa o bjalo, ke bolela dibe tša batho ba ka, mosong wo, mafokodi a bona le go kamaka ga bona, ge ba eme le matsogo a bona ka moyeng. Ke bolela dibe tša bona, Morena, le ka moka mafokodi a rena. Romela Moya wo Mokgethwa godimo ga rena, ka setswalelo sa go dumelela ga Gago, gore O Modimo. Gomme O fa bjale go re amogela, le go re tšeela ka matsogong a Gago, gomme le go re lopollela se sengwe le se sengwe seo se re lahlegetšego. Ge e le pholo ya rena, a nke e bušetšwe ga makgolo a a menaganego. Ge e le soulo ya rena, a nke e bowe go rena bjalo ka ye e kukušitšego, e gadima athikele, e tladitšwe ka Moya wo Mokgethwa, go neelwa pele ga Modimo. Ge e le go se dumele, a nke go tle go rena gape, Morena, ka tumelo ya go šuthiša dithaba. E fe, Morena.

<sup>136</sup> Re a dumela gore O a sepela, Moya wo Mokgethwa o tletše go kgabola moago wo, bokagodimo ga batho ba, le ka dipelong tša bona, o ba sepedišetša go amogela Modimo yo a phelago. Se re se dira Leineng la Jesu Kriste.

Tumelo ya ka e lebelela godimo go Wena,  
 Wena Kwana ya Khalibari,  
 Mophološi Mokgethwa;  
 Bjale nkwe ge ke rapela,  
 Tšea ka moka dibe tša ka go tloga,  
 Se ntese ka be ka fapoga,  
 Go tloga go Wena go ya thoko.

<sup>137</sup> A le ra yona? A le a e amogela? Emiša seatla sa gago, e re,  
 “Bjale ke a e amogela. Ke a dumela.”

Ge ke gata mararankodi a bophelo leswiswi,  
 Gomme manyami go ntikologa a phatlaletše,  
 Wena eba Mohlahli wa ka;  
 Laela leswiswi go retologela go letšatši,  
 Phumula manyami a poifo go tloga,  
 Se ntese ka be ka fapoga  
 Go tloga go Wena go ya thoko.

A re inamišeng dihlogo tša rena.


<sup>138</sup> Ka morago ga wo wa go tsenelela, wa go ripaganya kudu Molaetša; wo mošoro, gomme wa go tlišwa ntle ka tsela ya makgwakgwa, eupša ke Therešo. Gomme ge ka go kokobela o dumela se o se kgopetšego, seo o a se amogela, o seke wa tsoge wa dumelela selo go go kgorometša go tloga tseleng yeo ya go otlologa. Ema thwi fao. Go sa kgathalege gore ke rera ga kaakang, eng kapa eng ke se dirago, goba eng kapa eng monna mang kapa mang a ka se dirago, se ka se tloše kamego go fihla o se amogela bjalo ka phahlo ya gago ya mong ya sebele.

<sup>139</sup> Ge o dumela seo ka pelo ya gago ka moka, se sengwe le se sengwe se o se kganyogago, ge o bolela dibe tša gago, Modimo o go lebaletše. O seke wa hlwe o e kamaka gape. Ge o le mokgelogi, o tšeetšwe morago, mosong wo. Ge o nyaka Moya wo Mokgethwa, gona kolobetšwa Leineng la Jesu Kriste tshwarelong ya sebe sa gago. Leo ke Lentšu la Modimo. A ka seke a be a Le fetolela kereke, kereke ya leina, goba yo mongwe gape. Le swanetše go ba ka tsela yeo. Re swanetše go kgotsofatša dinyakwa tša Gagwe, e sego dinyakwa tša kereke, dinyakwa tša Gagwe. Seo ke se re swanetšego go se dira.

<sup>140</sup> O rile, “Thapelo ya tumelo e tla phološa molwetši.” Ge o babja, ke go rapeletše thapelo ya tumelo. Wena o e rapetše ka pelong ya gago mong. Gomme o e dumele, e amogele, ema o kgwathe ka boleta godimo ga yona. E swanetše go ba ka tsela yeo. Ga go selo se kago go e tšea, go sa kgathale gore go lebelelega go le leutu bjang.

<sup>141</sup> O re, “Go lokile, go no lebelelega o ka re ke sa babja.” Seo ga se dire...E no ba diphego tša Barongwa

di kgobokane mmogo. Seo ke ka moka. Ke Modimo ka sebopego sa tšhegofatšo. Se lebelelega e le leutu go wena. Batamela kgauswiuswi gannyane go sona gomme o se lebelele gape, o bone ge e ba ga se Modimo a eme fao, a boloka Lentšu la Gagwe.

<sup>142</sup> Bjale ge re na le dihlogo tša rena di inamišitšwe, ke ya go bušetša tirelo go Ngwanešu Neville, modiša wa rena. 

*EBA LE BONNETE KA MODIMO* NST59-0125  
(Be Certain Of God)

Molaetša wo ka Ngwanešu William Marrion Branham, mathomong o abilwe ka Seisemane ka Sontaga mosong, Janaware 25, 1959, ka Tabarekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)



## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)